


1. 一道是菩薩道，不捨菩提心故。(約行本)
2. 二道是菩薩道，出生智慧、方便故。(約實惠. 方便惠)
3. 三道是菩薩道，空方便、無相際無際、無願三昧，三界無染故。(約三定)
4. 四行是菩薩道，a. 悔過除罪、b. 隨喜功德、c. 恭敬勸請無量諸佛、d. 善知迴向故。(約四行)
5. 長養五根是菩薩道，a. 住有信根不可沮壞，b. 發大精進究竟一切事而不退轉，c. 安住正念，d. 除滅亂想三昧，e. 方便決定了知智慧境界善巧分別故。(約五根：信根. 精進. 念根. 定根. 慧根)
6. 六通自在是菩薩道：天眼，悉見一切世界有色眾生，死此生彼；天耳，悉聞一切諸佛所說經法，皆能受持廣為一切眾生解說；出生無礙知他心智，悉知一切眾生心念；宿命智通，悉知過去一切阿僧祇劫；長養善根身通自在，隨其所應現大神變；漏盡智通，知見實際生菩薩道不斷絕故。(約六通)
7. 七念是菩薩道：念佛，於一毛道見一切佛教化眾生；念法，不離一如來眾，於一切佛所對面聞法悉能受持，隨應眾生諸根希望而度脫之；念僧，見不退轉菩薩大眾，令一切眾生常見菩薩大眾；念施行一切菩薩布施，正念長養菩薩布施功德；念戒，不離菩提心，一切善根迴向眾生；念天，念兜率陀天一生補處菩薩；念一切眾生，善巧方便智慧教化，悉令安隱隨順無上菩提故。(約七念)
8. 八正道分是菩薩道，所謂：正見，遠離邪見；正思惟(正智)，正念一切智遠離虛妄；正語，隨順聖教、離口四過；正業，饒益教化一切眾生未曾失時；正命，安住四聖種成頭陀功德，具足淨威儀，遠離一切惡；正精進，勤修一切菩薩苦行，修佛十力無所罣礙；正念，悉能憶持一切音聲，除滅世間一切亂想；正定，善巧方便，於一三昧，出生菩薩不可思議法門一切三昧故。
9. 九次第定是菩薩道，所謂：1. 離欲、惡不善法因；2. 覺觀起一切口業無所障礙；3. 說法教化一切眾生，令得一切智喜悅，4. 遠離退過、休息喜悅；5. 離世苦樂，常見諸佛；6. 逮得無上菩提快樂；7. 不動三昧出生四無色定；8. 亦不離欲界、色界受生；9. 正受滅盡三昧，而亦不息菩薩行故。

另：四禪，四無色，及滅受想定（亦云滅盡定），九種之禪定，**不雜他心，次第自一定入於一定之法：**

- 一、初禪次第定。
- 二、二禪次第定。
- 三、三禪次第定。
- 四、四禪次第定（已上名色界四禪天之根本定）。
- 五、空處次第定。
- 六、識處次第定。
- 七、無所有處次第定。
- 八、非想非非想處次第定（已上名無色界四處之根本定）。
- 九、滅受想定次第定。**止息一切心識之定，以是為禪定之至極。**

《智度論》卷三十一：「九次第定者：從初禪心起，次第入第二禪，不令餘心得入，如是乃至滅受想定。問曰：餘者亦有次第，何以但稱九次第？答曰：**餘功德皆有異心間生，故非次第。**此中深心智慧利行者，自試其心，從一禪心起，次入二禪，**不令異念得入。**」

又卷八十一：「入初禪，乃至過非想非無想處，入滅受想定，是名次第定。」



10. **如來十力是菩薩道**，所謂：**1.**巧方便善知是處非處；**2.**善知一切眾生去、來、現在業因果報；**3.**善知一切眾生種種諸根，隨彼諸根而為說法；**4.**善知眾生無量諸性，**5.**善知一切眾生種種欲樂，隨應說法；菩薩淨身，皆悉充滿一切眾生、一切剎、一切世[界]、一切劫，普現如來具足威儀而

亦不捨菩薩所行善巧方便；6. 知一切禪三昧解脫垢淨起；7. 知時、非時出生菩薩無量法門；8. 善知一切眾生死此生彼；9. 於一念中善知三世一切阿僧祇劫；10. 善知一切眾生除滅一切煩惱結使及諸習氣，而亦不捨菩薩行故。

若菩薩摩訶薩安住此道，則得一切諸佛無上巧方便道。

十種莊嚴道 p.1699-4

1. 菩薩摩訶薩不離欲界，悉能正受色、無色界禪定解脫，亦不因此於彼受生，是為第一莊嚴道。(在亂常定)
2. 菩薩摩訶薩入聲聞道，亦不乘此道出於三界，是為第二莊嚴道。
3. 菩薩摩訶薩入緣覺道，亦不捨大悲，是為第三莊嚴道。(2.3 處小常大)
4. 菩薩摩訶薩雖百千天女眷屬圍遶，端嚴殊特、顏容無倫、[1]技術悉備、音樂巧妙，菩薩聞此妙音，未曾暫捨諸禪解脫三昧，是為第四莊嚴道。
5. 菩薩摩訶薩與一切眾生設眾妓樂共相娛樂，乃至一念不捨諸禪解脫三昧，是為第五莊嚴道。(4.5 在欲行禪)(1~5 自行無染)
6. 菩薩摩訶薩不著一切世間諸法，究竟世間得到彼岸，度脫眾生，是為第六莊嚴道。
7. 菩薩摩訶薩安住正智修習正道；趣於邪道欲令眾生遠離邪道，於此邪道不取真實清淨之相，是為第七莊嚴道。
8. 菩薩摩訶薩遠離身、口、意惡業，常持淨戒，一向正求如來淨戒，示現一切凡愚童蒙眾生持戒威儀，為教化成熟犯戒眾生故；菩薩具足成滿一切清淨功德，正趣菩薩趣而現受生地獄、畜生、餓鬼、閻羅王及諸難趣，令彼眾生離惡趣故，而實菩薩不攝彼趣，是為第八莊嚴道。
(6.7.8 隨有攝化行)
9. 菩薩摩訶薩於一切佛法不由他悟，得無礙辯、明淨智慧，普照一切諸佛正法；安住一切諸佛自在，共一切佛清淨法身，具足成就一切堅固大人明淨正法；安住一切平等諸乘，向一切佛境界法門，一切眾生所應讚歎、恭敬、供養；為一切眾生作無上師，專求正法未曾捨離，示現於法有疑，示現師受恭敬供養和尚、阿闍梨，而實為一切天人無上法師。何以故？菩薩摩訶薩善知方便住菩薩道，隨其所應方便示現，是為第九莊嚴道。

(自行成滿)

10. 菩薩摩訶薩具足成就甚深智慧，究竟菩薩一切無上法行，一切如來以甘露法而灌其頂，究竟一切法自在彼岸。離垢無礙清淨法繒以冠其首，於一切世界普現如來無礙法身，轉不可壞清淨法輪；清淨法身於一切世界，無處不至；究竟一切法自在彼岸，具足成就一切菩薩自在之法；巧妙方便於一切剎示現受生，與三世佛共一境界而亦不斷菩薩所行；不捨菩薩法，不轉菩薩業，不捨菩薩道，未曾廢捨菩薩威儀，不捨菩薩熾然，不捨善巧方便，不離菩薩事；修菩薩行，心無疲厭，不離菩薩受持法行。何以故？菩薩摩訶薩欲速成阿耨多羅三藐三菩提故，不捨菩薩行，觀察眾生，是為第十莊嚴道。**(因圓果滿)**

若菩薩摩訶薩安住此道，則得一切諸佛無上道寶莊嚴，而不捨菩薩道。